

## AVISU

### **Publicau s'avisu "NARA MI" po sa certificatzioni linguìstica orali de is lènguas de minoria e bariedadis alloglotas**

S' Assessorau regionali de s' Istrutzioni Pùblica fait sciri chi s' est istituida sa **certificatzioni linguìstica "NARA MI"**, de sa connoscèntzia orali de sa lèngua sarda, de su cadalanu de S' Alighera, e de is bariedadis alloglotas tataresu, gadduresu e tabarchinu.

Sa certificatzioni orali at a essi liada a cunsideru comentis a tìtulu de amissibilità po sa partecipatzioni, in calidadi de spertus de àmbitu o collaboradoris, me in is laboratòrius didàticus extracurricularis.

Podint pigai parti a sa protzedura is personis físicas cun a su mancu 18 annus de edadi, e prus a notu is chi funt interessadas a su setori de spertus de àmbitu o de collaboradoris me in is Laboratòrius Didàticus Extracurricularis, cunforma a s'art. 19 de sa LR 22/2018, e in is progetus chi pertocant is puntus 2 lìtera c e 3 de s' art. 22 de sa pròpriu lei.

Is domandas si podint imbiai fintzas is oras 12:00 de su 28 de su mesi de friaxu 2022, cun PEC a: [pi.cultura.sarda@pec.regione.sardegna.it](mailto:pi.cultura.sarda@pec.regione.sardegna.it), cun firma digitali o autògrafa.

In s' in casu de firma autògrafa bolit acapiada a sa domanda sa còpia de unu documentu de identità.

Po informatzionis: [pi.cultura.sarda@regione.sardegna.it](mailto:pi.cultura.sarda@regione.sardegna.it).